



BOSNIA AND HERZEGOVINA  
Ministry of Foreign Trade and Economic Relations  
Veterinary Office of Bosnia and Herzegovina

Bosna i Hercegovina  
Federacija Bosne i Hercegovine

PARLAMENT FEDERACIJE  
SARAJEVO

Broj: 05-3-1-27-9-586-1/26

Datum: 27.04.2026

Ministarstvo vanjske trgovine  
i ekonomskih odnosa BiH  
Musala br. 9  
71000 Sarajevo

Primljeno:			
Org. jed.	Broj.	Priloga	Vrijednost
05/1	-02-	208	/26

Bosna i Hercegovina  
Federacija Bosne i Hercegovine  
Parlament Federacije BiH  
Predstavnički dom  
Hamdije Kreševljakovića br. 3  
71000 Sarajevo

**Predmet:** Odgovor na poslaničko pitanje,  
Veza vaš prosljeđeni dopis koji je zaprimljen s vaše strane po brojem:  
05/1-02-208/26 od 20.4.2026.godine, dostavlja se;

Poštovani,

Vežano za prosljeđeno zastupničko pitanje koje je postavio Admir Čavalić zastupnik u Zastupničkom domu Parlamenta Federacije BiH, dostavljam Vam sljedeći odgovor.

**Koji je pravni osnov za zabranu uvoza proizvoda životinjskog porijekla (npr, omega suplementi, proteini, med) za fizička lica putem međunarodnih pošiljki?**

Pravni osnov za postupanje nadležnih organa vrši se u skladu sa Pravilnikom o kontrolama i uvjetima unošenja ličnih pošiljaka proizvoda životinjskog porijekla u Bosnu i Hercegovinu („Službeni glasnik BiH“, broj 90/17), koji jasno propisuje uslove pod kojima fizička lica mogu unositi proizvode životinjskog porijekla u Bosnu i Hercegovinu putem poštanskih pošiljki.

Klasifikacija proizvoda životinjskog porijekla, uključujući dodatke prehrani koji sadrže komponente životinjskog porijekla, ne vrši se proizvoljno, već na osnovu važećih propisa, kao i procjene rizika po zdravlje ljudi i životinja.

U skladu sa članom 3. stav (3) navedenog Pravilnika, na lične pošiljke koje ispunjavaju propisane uslove ne primjenjuju se odredbe Pravilnika o uvjetima i načinu rada granične veterinarske inspekcije Bosne i Hercegovine („Službeni glasnik BiH“, broj 45/09), odnosno iste ne podliježu standardnoj proceduri veterinarsko-zdravstvene kontrole. Članom 20. navedenog Pravilnika („Službeni glasnik BiH“, broj 45/09) propisano je da mali paketi upućeni fizičkim licima ne moraju biti podvrgnuti veterinarskim kontrolama, pod uslovom da se ne radi o pošiljkama komercijalnog karaktera.

## **Da li postoje planovi za izmjene pravilnika kako bi se omogućio ograničeni uvoz za lične potrebe?**

Obzirom da se ovim Pravilnikom preuzimaju odredbe sljedećih akata EU:

a) Uredba komisije (EZ) br. 206/2009 od 5. marta 2009. o uvozu u Zajednicu ličnih pošiljaka proizvoda životinjskog porijekla te o izmjeni Uredbe (EZ) br. 136/2004;

b) Provedbena - Uredba komisije (EU) br. 467/2013 od 16. maja 2013. o izmjeni Uredbe (EZ) br. 206/2009 o uvozu u Zajednicu ličnih pošiljaka proizvoda životinjskog porijekla u vezi s informacijama na plakatima koje moraju biti dostupne putnicima i općoj javnosti (Tekst značajan za EGP);

c) Uredba komisije (EU) br. 519/2013 od 21. februara 2013. o prilagodbi određenih uredbi i odluka u području slobode kretanja robe, slobode kretanja lica, prava poslovnog nastana i slobode pružanja usluga, prava trgovačkih društava, politike tržišne konkurencije, poljoprivrede, bezbjednosti hrane, veterinarske i fitosanitarne politike, ribarstva, saobraćajne politike, energetike, oporezivanja, statistike, socijalne politike i zapošljavanja, zaštite okoliša, carinske unije, vanjskih odnosa te vanjske, bezbjednosne i odbrambene politike zbog pristupanja Hrvatske.

Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 115. sjednici održanoj 21. septembra 2017. godine, donijelo je Pravilnik o kontrolama i uvjetima unošenja ličnih pošiljaka proizvoda životinjskog porijekla u Bosnu i Hercegovinu („Službeni glasnik BiH“, broj 90/17).

Obzirom da se radi o propisu koji je donesen od strane Vijeća ministara, i koji dozvoljava da se proizvodi životinjskog porijekla šalju putem poštanskih pošiljki, porijeklom iz zemalja članica Evropske unije, Andore, Lihtenštajna, Norveške, San Marina, Švicarske, Farskih otoka, Grenlanda, Islanda, Crne Gore, Makedonije i Srbije i to u količini od 0,5kg.

Za vašu informaciju Evropska unija ne dozvoljava unos na teritoriju Unije bilo kakvih proizvoda životinjskog porijekla poslanih putem pošte, od strane građana BiH.

Trenutno postoje planovi za izmjene navedenog pravilnika, u cilju usklađivanja pravilnika sa postojećim direktivama Europske Unije.

## **Koliko je pošiljki vraćeno u posljednjih 12 mjeseci po ovom pitanju?**

Prema evidenciji koja je navedena u stavu (4) člana 6. navedenog Pravilnika, za svaku pošiljku dostavlja se informacija Uredu za veterinarstvo na jedan od navedenih načina u Aneksu VI ovog Pravilnika, a najkasnije 15 dana od dana pronalaska lične pošiljke.

Ured za veterinarstvo na osnovu podataka iz stava (4) člana 6. dostavljenih od strane službenika iz člana 1. stav (2) tačka a) ovog Pravilnika o svim ličnim pošiljkama koje su pronađene, vodi evidenciju na osnovu koje na godišnjem nivou popunjava izvještaj iz Aneksa V ovog Pravilnika najkasnije do 31. marta tekuće godine.

Na osnovu dostavljenih podataka za 2025 godinu i prava tri mjeseca 2026 godine broj vraćenih i oduzetih ličnih pošiljaka iz carinskog područja Bosne i Hercegovine, prema nama dostavljenim podacima je: 30 pošiljki od kojih je 447,8 kg mesa, 204 l mlijeka, 12,4 kg mliječnih proizvoda i 115 kg proizvoda ribarstva.

S poštovanjem,



**DIREKTOR**

Saša Bošković dr.vet.med.

Dostaviti:

- naslovu;
- a/a